

金堂縣志卷一 土地

建置志

部上

沿革

城池 併街坊

官署 併公所義所

壇廟 併會館

自東晉置金水戍而名始矣自西魏置金淵郡而縣隸矣唐之有金堂仍白牟之分也周之廢白牟開金水之併也雖廣袤之數復別其為新都牛鞞地別歷漢晉以來未之

金堂縣志

卷一

建置

一

有改其隸屬之制分併之宜徵諸史乘可參覈而知臚而晰之所以版章土宇也故縣治本在今舊城址北宋始於此徙建風景良佳但其中尚多因襲苟完非有能侈大而恢廓之蓋視衝要者為稍殺矣雖然墉壑之為守也堂皇之為治也祠祀之為備也乃有土者之恆制烏可以無紀作建置志

沿革

金堂成都近郊屬邑也上古為蜀山氏地黃帝時隸蜀國虞夏在梁州之域商周仍隸蜀國秦隸蜀郡皆未有縣也

名漢興始詔天下以郡統縣其時金堂雖尙爲新都牛鞞兩縣地而溯縣之治其縣來自當以漢爲始

漢爲廣漢郡新都縣南地徙爲郡牛鞞縣西地

漢書地理志廣漢郡領縣十一新都屬焉犍爲郡領縣九牛鞞屬焉牛鞞卽今簡州

後漢隸益州刺史部後屬蜀漢畿內地

郡縣地界與漢同時制以州統郡以郡領縣建安十九年昭烈定益州卽位成都

晉隸梁益二州始置金水戍於漢牛鞞縣西地

金堂縣志

卷一 建置

二

晉書地理志梁州領漢中梓潼廣漢新都涪陵巴郡巴西巴東八郡益州領蜀郡犍爲汶山漢嘉江陽朱提越嶲牂牁八郡安帝義熙初成都爲譙縱所據九年以朱齡石討平之遂於此置金水戍以界有水出金沙故名戍在今懷口鎮之西同興場

西魏始置金淵郡於戍所治金淵縣並置白牟縣於漢新都縣東地隸金淵郡後周廢郡及白牟縣遂以金淵縣隸蜀郡

廢帝二年梁益諸州俱入魏遂於金水戍置金淵郡領

金淵白牟二縣白牟卽今治故唐宋時名古城鎮今此門猶有古城橋之名焉

隋金淵縣初隸凱州後廢州仍隸蜀郡

文帝仁壽三年分元武綿竹金泉飛鳥四縣爲凱州至煬帝大業二年凱州廢金泉仍隸蜀郡隋書唐時所作故避淵爲泉非又改金泉縣也

唐改金淵縣爲金水縣隸益州尋隸簡州始分置金堂縣於白牟廢城之東隸益州尋隸漢州

高祖武德元年避上諱仍改金淵爲金水隸益州三年

金堂縣志

卷一

建置

三

又分陽安金水平泉三縣立簡州至高宗咸亨二年始分置金堂縣以界內金堂山得名縣在今三江鎮之西舊城址隸益州武氏垂拱二年改隸漢州

後晉遙改金堂縣爲漢城縣

冊府元龜晉天福七年改漢州金堂爲漢城然此時蜀已爲王氏所據不奉晉朔其更改邑名不過美觀十國春秋以爲遙改得之

宋置懷安軍治金水縣與金堂縣並隸成都府路尋隸潼川府路始徙金堂縣於今治

太祖乾德五年置懷安軍領金水金堂二縣屬成都府
路真宗咸平四年分置益梓利夔四路懷安又屬潼川
府路仁宗嘉祐初仍徙治白牟故城卽今治也

元陞懷安軍爲懷州廢金水縣尋廢州併入金堂縣屬成
都路

世祖至元十三年縣省入州二十年廢州併入金堂縣
屬成都路

明廢金堂縣併入新都縣尋復故屬成都府

洪武十年省入新都縣十三年復置金堂縣屬成都府

金堂縣志

卷一 建置

四

國朝因之

城池

金堂縣城池宋嘉祐初年自舊城址徙築於此蓋土城也
明成化中知縣王賓始砌石高一丈七尺周五里三分計
九百五十四丈池廣一丈深五尺門四東曰康遠西曰義
安南曰長寧北曰永靖季年爲獻賊兵燹頽毀

國朝康熙初年知縣董煜重修四門乾隆四年己未知縣
田多稼增修門樓懸四門匾額三十一年丙戌署縣事曹
焜知縣海柱李篤生等奉

土諭更修至三十四年工竣乃改東門曰朝陽西門曰
澤南門曰長寧北門曰迎恩凡雉堞一千五百八十座

修城記

邑令李篤生

慎固封守保釐之要圖也古名臣洞悉政體爲長治久
安之計未嘗有所驅迫於下而仰承者輒捷如影響然
後知人心好善一倡勸聞有機牙立應之妙焉稽蜀地
城垣肇自張儀漢唐宋元明以來遞有增繕金堂古爲
新都地唐始置邑其建立城池則無可考治南有故城
唐屬漢州界連金堂山今謂之舊城址又治東南有懷

金堂縣志

卷一

建置

五

安軍故城宋置元廢併入金堂縣迨明成化中縣令王
賓砌石爲城周環五里三分門四曰康遠長寧義安永
靖則今治也當勝國之季屢經兵燹雉堞傾頽我
國家德洋恩普偃武修文百餘年間民安物阜卽不事深
溝高壘要亦安享太平無事之福矣然歲久則易湮世
平則易玩比來欽奉

上諭查勘直省城垣宮保阿節制全川體國經野慮遠思
深屢省而緝新者不下數十城金雖僻邑惓惓加意撫
以江省捐修例採訪輿情士民踴躍急公酌本殖而任

捐輸鳩工匠而庀材物循其故制加以高堅東望雲頂
遠峯攢翠西瞰沱江曲水流清壤接膏腴附郭之田千
畝功資灌溉穿城之堰一渠城旣築而池亦濬民社有
衛而農實嘉賴焉余下車規模適就蓋始則署縣事成
都令曹公焜繼則邑令海公柱署縣事新津令曾公勉
次第賢勞余乃獲經紀緒餘以終其事然皆仰大憲之
周詳剴切而爾時之襄貲協力幾於鼙鼓弗勝三稔告
成苞桑鞏固古名臣之所以慎固封守者不猶復見於
今日哉是役也經始於丙戌正月竣工於己丑二月計

金堂縣志

卷一

建置

六

長九百四十九丈高一丈七尺厚一丈五六尺不等堞
口一千五百八十所有各甲捐項若干工料費用若干
並董事姓名具勒於左時乾隆三十五年庚寅

乾隆三十九年甲午知縣楊掄補修四十四年己亥城垣
坍塌署縣事朱鑒昌請領藩庫銀三千兩重修五十一年
丙午知縣王道隆補修六十年乙卯知縣魏肇高補修嘉
慶八年癸亥知縣謝惟傑補修

附歷代故城

金淵西魏置金水唐置懷安宋置懷州元置故城俱在

今縣治東南八十里高興場基址濠塹猶有存者
白牟西魏置故城卽今縣治故唐宋於此設古城鎮今
北門外猶有古城橋之名

金堂唐置故城在縣東三十里舊城址宋嘉祐間因累
被水災乃徙今治或云明時始徙者非也

雲頂山故城宋淳祐間四川安撫制置使兼知重慶府
余玠築積粟守隘民賴以安今二城門猶在山北者通
廖家場石上嵌有保義郎利州駐劄御前摧鋒軍統制
兼潼川府路兵馬副都監提督諸軍修城蕭世顯缺二字

金堂縣志

卷一 建置

七

郎利州駐劄御前右軍統領兼潼川府路將領都統使
司修城提振官孔仙兩行銜名下又規劃二大字山南
者通懷口鎮嘉慶五年因達匪滋擾竄入潼綿居民復
重修之觀其形勢峻峭嶙峋想當時亦不必有雉堞也
山頂寬平百餘畝僧云開墾處皆瓦石礎礫云

街坊 城中大街四東門曰東街西門曰西街南門曰南
街北門曰北街小街三曰後南街在大南街右通金剛池
曰小南街在大南街左通琵琶池曰縣署後街在縣治後
曰琵琶街在南門外曰巫家街在東門外其巷曰城隍廟

巷在城隍廟右通學宮曰奎星巷在奎星閣左曰沿城巷
在西門左通縣署後街曰槐樹巷在川主廟左曰土地巷
在典史署右曰當舖巷在土地巷南通小南街曰倉房巷
在三清觀右通後南街曰新巷在縣治左通金剛池曰江
西館巷在南門左通琵琶池曰烟市巷在城隍廟巷南通
新巷

明諸坊今見存者天德王道二坊俱在學宮前字蹟磨滅
年代姓名無考進士坊在北街俗呼順街坊爲正德進士
李信立御史坊二一在西街一在署左俱爲御史敖選立

金堂縣志

卷一

建置

八

繡川遺愛坊在奎閣下正德中邑人爲知縣曾遜立俱在
城內嬌鳳連鳴坊在治西五里瘟神廟左爲萬歷進士敖
選立繡川橋坊在治南二里繡川河上萬歷中知縣劉師
周建玉虹橋坊在治東二里杜家河上萬歷中知縣解天
允建杜氏遠門坊在治南蟠龍寺後刑部尙書杜銘建俱
在城外

國朝苦節坊在東街城隍廟前雍正三年爲生員楊于泓
妻劉氏立節烈坊在後南街倉庾前乾隆十六年爲黃茂
發妻曾氏立貞節坊在北街學宮右乾隆五十年爲生員

秦正傳妻張氏立俱在城內七佛坊在治南雲頂寺中
熙中僧祥芳建節孝坊在治北二里茶花園中乾隆五十
六年爲周邦良妻蕭氏立文瀾堤坊在治西六里嘉慶十
三年知縣謝惟傑立義渡坊在治南姚家渡場嘉慶十三
年鄉人共立俱在城外又嘉慶十四年詳准
旌表龍謝氏鄭陳氏二坊尙未建立

附廢坊

明進士坊在治南杜家巷爲正統進士杜銘立今殘廢
五賢坊在治西四里事蹟無考今湮廢又天順進士王

金堂縣志

卷一

建置

九

銓萬歷進士張鵬成化進士王資良張祥黃吉許淳及
孝婦郭杜氏節婦杜彭氏等俱應有坊今城內外遺址
雖多均已傾圮不可考矣

國朝水利源祠坊在東街城隍廟左康熙中爲進士張晉
瑾立事詳選舉志民不能忘坊在明教寺左乾隆中爲
知縣陳大文立今併廢恩深繡水德重金臺二坊俱在
正中爲知縣陳舜明立乾隆二十六年並燬於火又節
婦李謝氏何段氏二坊俱湮廢無考

官署

金堂縣治在城中西街其制前臨大街豎外屏於街南中
爲廳事三楹翼以兩吏廡吏戶禮併鹽倉在其左兵刑工
併茶承發在其右築甬道屬於儀門大門門之左右爲皂
隸舍儀門爲門者三大門爲門者一廳事東爲衙神土地
祠其後入宅門爲二堂闢其左爲庫房其右則花廳以接
賓僚後有環舍以宿幕友二堂後爲三堂四堂爲知縣燕
居之所旁列從舍庖湏咸具繚以重垣前明舊署洪武中
知縣朱景哲創建已燬於兵燹葺治事蹟無可考

國朝初年知縣皆僦居民間康熙六年丁未知縣郭翰始

金堂縣志

卷一 建置

十

以官緡庀材鳩工創建今治五十八年己亥知縣陳舜明
重修乾隆二年丁巳知縣田多稼增修二十六年辛巳縣
城被火全署房屋俱燬知縣饒學曦乃於覺華寺田地變
價充公項下詳准動支重建共費銀一千六百六十八兩
有奇四十三年戊戌知縣楊掄補葺嘉慶九年十六年知
縣謝惟傑兩次重修

儒學教諭署舊在學宮後乾隆二十九年知縣饒學曦始
徙建於學宮之左明倫堂後嘉慶十五年知縣謝惟傑增
修其制正中爲屋三楹與諸生受業左廡五楹爲肄業之

室前有大門後有燕居之宅旁有庖湏

儒學訓導署亦係乾隆二十九年徙建於學宮之右嘉慶十四年知縣謝惟傑增修其制正中為屋三楹與諸生受業右廡四楹為肄業之室前有大門後有燕居之宅旁有庖湏

典史署在縣治右康熙年間建造乾隆二十六年燬於火知縣饒學曦典史林鶴重建嘉慶九年典史鄭蘭增葺其制中為廳事三楹翼以兩廡前有儀門大門後有燕居之宅旁有從舍以備庖湏右有西廳以接賓客

金堂縣志

卷一

建置

十一

駐防汛署在北街前臨大街後倚縣治其制正中為屋三楹前有大門後有住宅旁有庖湏舊皆寓居城內公次乾隆五十四年把總高偉始建今署嘉慶十三年把總李廷瑞補修

貼防趙家渡汛署向未建造歷來賃居本場公次

縣庫 在縣一堂左 倉庾 在後南街

陰陽學 醫學 僧會司 道會司 均在縣城內

申明亭 在明教寺前嘉慶七年知縣謝惟傑建

圍園 在縣署右典史署前創建時無考乾隆二十六年

知縣饒學曦典史林鶴重建五十一年知縣瑞貴典史梁敦懷奉文添築外垣重加葺整嘉慶七年十六年知縣謝惟傑典史鄭蘭二次補修

養濟院 在東門內繡川書院左頽址一區莫詳厥始乾隆五十九年典史徐開元捐貲創建因惇獨民韓珣陳顯富共施所修東方堰川主廟木植並地基二畝餘田十畝零五分五釐三毫遂倡令紳士陳正謨黃世第等募化培補添置田地見在有屋九楹大門一間以安孤貧門外有舖房六間及馮家寺田十六畝九分羅家碾田二畝一分

金堂縣志

卷一

建置

三

三釐四毫四絲一忽後羅家碾田被水冲塌無存實有田二十七畝四分五釐三毫又嘉慶十三年典史鄭蘭置相子園旱地四畝零俱佃收租息以爲費用四共載糧老三甲條銀五錢一分七釐二毫外有川主廟前地基一段租息存作廟中香火之需額設孤貧二十名內撥二名專司廟祀其有物故者挨次頂補每名每月給發口糧錢四百文按年於紳士中選充董事經管歲終結算造冊存案

壇廟

風雲雷雨山川城隍壇在長寧門外一里其神位曰風

雲雷雨之神居中 境內山川之神居左 本縣城隍之神居右歲以春秋仲月吉日衆官致祭於此

禮儀

祭品香燭酒羊一豕一鉶一和羹籩四形鹽藁魚棗栗居左豆四韭菹鹿醢菁菹兔醢居右簋二黍稷簋二稻梁爵三帛用黃綾祭日長官主祭行三獻禮餘官陪祭其儀注俱與 文廟丁祭同

祝文

維 神贊勳天澤福祐蒼黎佐靈化以流形生成永賴

金堂縣志

卷一

建置

三

乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之豐盈仰神明之庇護恭修歲典正值良辰敬潔豆籩祇陳牲幣尙饗

社稷壇在迎恩門外其神位曰 縣社之神 縣稷之神歲以春秋仲月上戊日衆官致祭於此南北二壇俱前明舊址建置年代無考兵燹後垣墮圯壤

國朝初年重建時加修葺嘉慶十六年知縣謝惟傑重修禮儀

與山川

祝文

維 神奠安九土粒食萬邦分五土以表封圻育三農
而蕃稼禮恭承守土肅展明禋時值仲春秋敬修祀典庶
九丸松栢鞏磐石於無疆翼翼黍苗佐神倉於不匱尙
饗

先農壇在朝陽門外二里玉虹橋東雍正五年知縣陶良
瑜奉

勅建嘉慶十年十六年知縣謝惟傑重修壇基高二尺一
寸寬二丈五尺正北中一室奉 先農神牌位高二尺四

金堂縣志

卷一

建置

十四

寸寬六寸座高五寸寬九寸五分東房貯祭器農具西房
貯藉田米穀東配房爲置辦祭品之所西配房爲看守農
民之舍繚以周垣開門南向藉田四畝九分歲仲春吉日
衆官致祭於此行耕藉禮農具用赤色牛黑色子種箱青
色子種以上所宜正官秉耒佐貳官執箱播種耆老一人
牽牛農夫二人扶犁九推九返農夫終畝俱如頒行之制

禮儀

與山川壇同

祝文

維神肇興稼穡粒我蒸民頌思文之德克配彼天念
率育之功陳常時夏茲當東作咸服西疇洪維

九五之尊歲舉三推之典某忝膺守土敢忘勞民謹奉

常聿修祀事維冀五風十雨嘉祥恒沐於神庶幾九

穗雙岐上瑞頻書於大有尙饗

八蜡卽先農壇行禮雍正十一年

詔有司歲十二月上戊日致祭先嗇司嗇居正位東上

餘六神稍後一尺分左右儀物如祭先農之制乾隆十

一年停祭

金堂縣志

卷一 建置

五

常雩祭亦卽先農壇行禮歲四月十八日祀境內山川

能興雲雨之神並合祀社稷先農以祈穀實自乾隆七

年始

厲壇在迎恩門外義塚舊無特置歲以清明七月望日十

月朔日擇地設壇衆官行禮嘉慶十六年知縣謝惟傑修

禮儀

祭日迎城隍神於壇舊設無祀鬼神及無祀孤魂牌

位於壇下左右各相向祭物用牲醴羹飯等物專祭壇

內無祀心神孤魂以城隍神主之先期正官親詣本

邑 城隍前行一跪三叩禮讀告文獻爵復行禮如初
祭日衆官齊赴壇所行一跪三叩禮詣 城隍前獻爵
讀祭文行禮如初焚紙錢禮畢

告城隍文

某縣遵承禮部劄付爲祭祀本縣無祀鬼神該欽奉
皇帝聖旨勅天下有司依時享祭本縣無祀鬼神等衆幽
明異境人力難爲必資神力庶得感通今特移文於
神先期分遣諸將召集本縣闔境鬼靈至日悉赴壇所
普享一祭神當欽承

金堂縣志

卷一 建置

六

欽命鎮控壇場鑒察善惡無私昭報爲此合行移牒請照
驗欽依施行

祭文

某縣遵承禮部劄付爲祭祀本縣無祀鬼神等衆事該
欽奉

皇帝聖旨普天之下后土之上無不有人無不有鬼神人
鬼之道幽明雖殊其理則一今

國家治民事神已有定制尙念冥冥之中無祀鬼神昔爲
生民未知何故而歿其間有遭兵刃而死者有死於水

火盜賊者有被人取財而逼死者有被人強奪妻妾而死者有遭刑禍而負屈死者有天災流行而瘟疫死者有爲猛獸毒蟲所害者有爲饑餓而凍死者有因戰鬥而殞身者有因危急而自縊者有因牆屋傾墮而壓死者有死後無子孫者此等鬼冤或終於前代或歿於近世或兵戈擾攘流移於他鄉或人煙斷絕久缺其祭祀姓名泯沒於一時祀典無聞而不載此等孤冤死無所依精魄未散結爲陰靈或倚草附木或作爲妖怪悲號於星月之下呻吟於風雨之時凡遇人間節令心思陽

世冤杳杳以無歸身墮沉淪意懸懸而望祭興言及此憐其慘悽故勅天下有司依時享祭命本處城隍以主此祭欽奉如此今某等不敢有違謹設壇於城北以其年某月某日置備牲醴羹飯享祭本縣無祀鬼神等衆靈其不昧永享此祭凡我一縣境內人民儻有忤逆不孝不敬六親者有姦盜詐僞不長公法者有拘曲作直欺壓良善者有躲避差徭磕損貧戶者似此頑惡姦邪不良之徒神必報於城隍發露其事使遭官府輕則笞決杖斷不得混爲良民重則徒流絞斬不得生還鄉里

若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非爲良善正直之人神必達於城隍陰加護佑使其家道安和農事順序父母妻子保守鄉里我等闔縣官吏等如有上欺

朝廷下枉良善貪財作弊蠹政害民者靈必無私一體昭報如此則鬼神有鑒察之明官府非諂諛之祭尙饗關帝廟在治東明教寺右祀

勅封忠義神武靈佑關聖大帝雍正五年

金堂縣志

卷一

建置

六

封神 曾祖光昭公 祖裕昌公 父成忠公增祀後殿

歲以春秋仲月吉日及五月十三日衆官致祭於此舊廟在治東北文昌宮後建置無考乾隆六年知縣田多稼重修地逼城隅不能恢廓嘉慶十三年知縣謝惟傑移建今所廟制正殿三楹東西長廊各十楹殿前爲月臺臺下爲拜次前爲儀門門外爲彩臺兩旁爲東西轅門殿後爲屋三楹翼以兩廡祀 神三代較前倍肅觀瞻矣此外縣境多有別廟爲鄉人崇奉之所因附寺觀故不備載

禮儀

祭品香燭酒帛用白綾長一丈八尺牛一純黑色羊一豕一果品五核桃荔枝龍眼棗栗爵三儀注俱與 文廟丁祭同

祝文

維 帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭值嘉辰遵行祀典筵陳俎豆凡奠牲醪尙饗

後殿禮儀

金堂縣志

卷一

建置

九

祭品不用牛餘照前殿例承祭官行二跪六叩禮

後殿祝文

維 公世澤貽麻靈源積慶德能 後篤生神武之英善則歸親宜享尊崇之報列上公之封爵

錫命優隆合三世以肇禋典章明備恭逢諏吉祇事薦馨 尙饗

移建武廟落成記

邑令謝惟傑 兼三

仰惟 帝若忠懸日月義炳春秋其所以捍菑禦患盪寇伏魔佐

熙朝而壯旱圖者靈鑿式昭以故薄海內外靡不欽承而
祀典特隆焉金邑城北隅舊有專祠屋僅數椽僻處湫
隘歲久傾圮實不足以安神靈而崇體制予履任茲土
拜謁之餘跋踏靡寧嘗與紳耆張廷極龍泰源陳景星
諸君籌議久之雖費繁工鉅尙可勉圖顧安所得地乎
越明年偶詣明教寺登鐘樓見寺旁隙地可十餘畝接
壤東門頗寬敞詢之乃寺中基也茆舍數十楹零星小
戶歲納傭貲予審度形勢爲之額手稱慶召泰源諸君
而語之曰地在斯乎夫地爲寺有盍權其價以歸之屋

金堂縣志

卷一

建置

三

僦民居盍豐其值而遣之理無所窒而事克有濟夫復
何疑費在必需予當捐廉倡始併墊項以應諸君聞而
色喜毅然集衆商謀數旬之內頗得綱領遂如所議而
行又金堂非產木之區廣爲搜羅始得大殿井柱四擡
樑二堅鉅可任皆數百年物也於戲地卜禪門之吉木
求匠氏之良雖曰人謀實邀神助豈偶然哉繇是分立
董事設簿勸捐庀材鳩工悉心擘畫而遠近士庶商賈
軍民罔不踴躍圖成爭先樂助諸君則善體予忱或董
率工匠或檢點物料或謹司出納俾工歸實用項不虛

糜又得邑尉鄭公相助爲理始終罔懈心維手指井一
有條創造正殿三間左右鐘鼓樓後爲啟聖宮前有月
臺丹墀旁列廊廡東西二十楹大門三樂樓三規模宏
敞階陛崇嚴丹雘輝明繚垣鞏固闡成成都塑工曹某
惠之之技延使裝塑金身暨配享諸像法座軒昂
容廣大於以肅禋祀於以壯觀瞻豈特棟宇之巍煥已
乎廟經始於嘉慶甲子秋而落成於己巳夏計費金錢
萬兩有奇我士民之好義急公於茲可見其蒙 帝君
之福庇而捍衛蒼黎者又寧有旣極耶工旣竣蠲吉禮

金堂縣志

卷一

建置

三

神啟寶殿之靈光兆嘉徵於萬億牲醪旣設筵樂斯匪
士女歡呼邇遐畢集此以見萬民之樂樂且無央而不
知守土者之更樂其樂也庠書崖畧勒石以告來者所
望後之君子相繼維持歲修罔替庶使廟貌常新者無
負今日經營創建之苦心也夫嘉慶十四年己巳仲夏
月立

文昌廟在治東北學宮左祀

文昌帝君康熙年間邑人張吾瑾倡衆捐建乾隆三十六
年知縣李篤生訓導在正坤重修原以春秋上丁日祭

文廟後致祭嘉慶六年奉

上諭列入祀典以二月初三日 帝君聖誕爲春祭其祭
祭由欽天監另擇吉日凡應用香帛祭品祭器均照致祭
關帝典禮後殿祀 帝君先代因舊廟狹隘未便行禮嘉
慶八年十五年知縣謝惟傑兩次增修其制前殿三楹中
西長廊各三楹殿外爲拜次前爲大廳廳前爲儀門殿後
爲屋七楹祀 神先代舊俱在學宮後乾隆中始徙建此
外縣境多有別廟爲鄉人崇祀之所因附寺觀故不備載
禮儀

金堂縣志

卷一

建置

三

與關帝廟同

祝文

惟 神蹟著西垣樞環北極六匡麗曜協昌運之光華
系代垂靈爲人文之主宰扶正久彰夫感召薦馨宜致
其尊崇茲屆仲春用昭時祀尙其歆格鑒此精虔尙鑾

後殿禮儀

與關帝廟後殿同

後殿祝文

祭引先河之義禮崇反本之思夫世德彌光延賞斯

祥鍾累代炯列宿之精靈化被千秋偉人文之主宰是
尊後殿用答前麻茲值仲春肅將祀事用申告潔 神
其格歆尙饗

重修文昌宮記

執江程正坤以寧

文昌之祀由來尙矣考天官書斗魁戴筐六星曰文昌
與將相司命司中司祿進賢賞功佐理文武懸象於天
施行於人應如影響也而梓潼帝君以士大夫身孝
友性成參贊化育正位宮中一切功名嗣續無不受其
權衡適與星之所主者相符而稱號因以加之我

金堂縣志

卷一

建置

三

國家文教昌明崇儒重道各府州縣建立學校莫不有文
昌祠春秋並享典至渥也金堂文昌宮創於明成化五
年已經兵燹灰燼盡矣

國初鄉賢行人張公率衆建修基仍故址在今 文廟之
北殿止一楹年久就圯余以庚午省試來訪司鐸尹公
時無學署寄宿祠中者旬日己丑秋忝蒞斯土見 文
廟重新一洗從前樸陋更爲各邑冠冕儒學兩齋亦胥
完善獨此祠仍舊計當年拜謁時規制依然而傾廢過
少 學者後地僻人遐甚非所以妥 神靈而崇禮

祀也爰與同人倡議捐修幸皆先得我心協力經營卜
遷學宮之左鳩工庀材爲正殿三間經始於辛卯秋告
竣於壬辰冬其中聖像莊嚴丹楹刻桷環階以石視
向之形制稍爲整肅矣落成記石同人復以弁言委余
余思帝君之靈孚佑天下如水之在地中無智愚賢
不肖皆家戶巷祝至有求必應感而遂通又近流俗媚
禱之言非學人崇祀本心惟是帝君聰明正直代天
行化主宰斯文訓誨諄諄今茲之舉不徒入廟思敬祀
享勿替也貴在實體聖教忠君孝親飭紀敦倫凡立
心制行一遵明訓處則衾影無慙出則慈祥自矢雲蒸
霞蔚無負

金堂縣志

卷一

建置

三

聖天子雅化作人之恩乃爲克享帝君而功名福澤自
傳餘慶於無窮是則一邑之幸而同人之所厚望者也
抑猶有異者祠宇維新可告無褻而待舉甚多同志君
子諒必有蹶然興起而相成於弗懈者邇當金醜肆逆
都人士於急公奉義之餘猶共襄成事如此益慶
重熙累洽沐浴樂利之休者咸知木本水源敦崇文教而
克相與以有成也余甚幸二十餘年之私心不期作合

得翊贊而續前人之功因述顛末而勒諸石其姓氏屢
支俱列於左時乾隆三十七年壬辰仲冬

增修文昌宮記

西充張 誠至山

文昌爲土天列宿之精不可以形象求也自元仁宗延
祐三年七月始加封梓潼神爲輔元開化文昌司祿
宏仁帝君道家亦云上帝命梓潼神掌文昌府事及
人間祿籍而文昌神號於是確有依據矣凡厥庶民
或遇災乞靈或逢吉報賽家戶戶祝罔不祇敬天下學
校皆立祠奉之我

金堂縣志

卷一

建置

三

皇上御極之六年

鑾路經都城北隅見

帝君廟半傾頽卽發帑重修落成

行九叩禮并

勅天下郡縣春秋二時特申享祀一切儀制與關帝廟

同誠以文昌帝君陰隲下民主掌文治功在民社官

其血食無窮也顧崇祀有文殿宇必備茲廟舊制正殿

一楹後無崇聖之祠前無瞻拜之所且墻垣不固瓦楹

多傾簡陋殊甚余乃請於邑侯謝明府謀所以增修之

者侯欣然曰治民事神責在守土余於衙署之湫隘城

垣之崩圯街道之歛也皆漸次整飭况煌煌

君命奕奕 神靈敢不竭蹶營建但見在軍役不靖簿書旁午未暇驟舉兩齋先生果力爲創始余無不欣助以成其終况事闕

鉅典邑人士獨無感發而興者乎余遂與正齋張倫軒繕簿分募鳩工庀材由 崇聖祠以及拜殿咸新構焉而正殿之瓦易以甃兩廊之牆封以墜亦各次第觀成是役也始於壬戌之秋成於癸亥之冬竹木瓦石一切工費總計千金侯之捐俸措注幾值其半而鄭少府之勸

金堂縣志

卷一

建置

美

捐布置始終襄贊者尤多卽各領袖之湊助亦正不少其奔走取材則邑庠傅秀潮國學吳恩泰自備資斧不倦於勤余兩齋同事解囊輒空涓塵何補不過經其始終司其出入於文武諸生則量力勸輸於木石諸匠則隨事檢點若者增修若者補綴凡所能爲罔敢或懈至於 聖廟前老柏之叢雜者剔其太繁書院後古樹之就枯者擇其適用亦損有餘補不足以公濟公故人情允協今則內宮外墻視舊制頗爲完備上有以妥 神君下有以肅瞻仰行見 神靈地顯人文炳蔚邑之應

即

國之光也爰姑述其始末於此至甬道樂樓則留以俟後
之修補者時嘉慶十年乙丑閏六月

奎星閣舊在學宮前渠外乾隆十九年知縣張南瑛移建
今所而神像則西向嘉慶十四年知縣謝惟傑重葺乃移
像北向文昌

登奎星閣

丹徒嚴學涂麗生舉人

星輝耀東壁天府羅文昌手持北斗杓燦為日月光英
英眉山公玉局登帝鄉笑取天孫絲教織雲錦裳文燄

金堂縣志

卷一

建置

三七

燭霄漢芸閣何焜煌魚鱖藻并合鴟吻飛薨翔登臨一
延覽空濶收八荒青城與雲頂拱揖來兩傍澹綠到天
際一髮窮微茫便欲凌風去身騎白鳳凰

九日同友人登奎閣

貢生李廷樾

滿目淒清社若洲薄寒聊共倚高樓天圍雪嶺千重玉
樹繞沱江萬頃秋旅雁縱橫當牖度輕烟斷續傍檐浮
吟成幾字鬢莖盡菊釀瓶攜酌未休

春日奎樓寓

邑人何茹連

香雲紅雨過高城穠李天桃喜弄晴十二街中人擾攘

錫簫聲雜貢花聲

秋霽登奎閣晚眺

邑庠楊澍逸青

倦眼聊舒眺登樓巨破顏斷虹秋飲澗殘雨晚歸山獨
鶴冲霄迴羣鴉抱樹閒又看修竹外弓樣月彎彎

奎閣晚眺

邑州何澤遠雲峯

傑閣凌霄漢百尺壓城隅我欲摘星斗臨風幾踟躕
龍神祠在治北文昌宮後舊未特置嘉慶十三年知縣謝
惟傑移建關帝廟於治東始以廢址創修焉左與火神祠
並列因顏其前門曰既濟祠

金堂縣志

卷一

建置

三

新建龍神祠記

謝惟傑

粵維龍神飛躍天門升騰海甸興雲降雨潤槁滋枯利
濟訖於寰瀛發育周乎萬物功德之大詎可名述日月
所臨咸知崇奉矣惟我金邑春秋祭享向無專祠祀典
雖隆徒瞻虛位次人有所宅神有所栖一幽一明理無
殊致官斯土者苟因陋就簡莫為創建其毋乃非崇德
報功之義乎余撫是邦久矣時思營繕得地為難會武
廟移建城東舊址遂為隙地因慨然曰專祠之設其在
斯乎於是庀材鳩工次第經始凡兩閱月而畢工內而

龕陞莊巖外而門垣峻整以妥以侑法像維昭然後向
之無所栖者今始得所栖亦猶向之無所宅者今始得
所宅吾知新宮翼翼攸寧攸躋人固樂之神亦應爾也
祠左先有火神廟相距咫尺事有適然固無足異然予
又有說焉先天之數坎位乎西離位乎東後天之數離
位乎南坎位乎北相資相克相反相成性不嫌於異宜
象原取乎對待因以旣濟額其前門於義或有取焉是
役也雖肇事於予而搢紳勳贊之勞閭里捐輸之衆亦
何可遺用是勒記豐碑以垂久遠異日者雨暘時若歲

金堂縣志

卷一

建置

无

沐神慈感謂斯舉也有以致之不亦休哉若夫增葺相
承協力維護是在後之君子

火神祠在治北龍神祠左乃繡川遺愛祠故址也

國朝康熙中知縣陳舜明創建嘉慶十三年知縣謝惟傑
重修

城隍廟在治東明洪武中建隆慶中重修兵燹後廢圮

國朝康熙五十一年知縣劉邁種重建然規樞狹隘未足
以安妥神靈乾隆初年邑人張弓弨乃施殿後地增修三
十三年知縣李篤生重葺嘉慶九年知縣謝惟傑分俸倡

捐重修今廟升 神像於正殿列十八司於兩廡遂於張氏所施地增置寢宮更闢餘地爲迎賓館凡三年工竣十五年又建垂蔭亭於館後弓昭子張廷極邑人陳景星等實董其役焉歲以五月二十八日十一月初十日慶祝賽會此外各鄉多有行廟爲鄉人所賽之所已附寺觀茲不備載

重修城隍廟記

明葉一清

邑之有城隍廟制也所賴以禦災肯主祈禱昭善惡凡舉事勞衆告而後行於春秋則祀朔望則謁焉夫人情

金堂縣志

卷一

建置

三

關 姦巧百出寧甘拷掠而不肯輸衷毋乃頑悖之尤至於驅之籲祠則入門趨趨啟口囁嚅凜若鑑設在上不能自隱是不關 動之中幽贊乎治理者爲多一日不可

無侯則一日不廟可乎故金堂之有城隍廟制也位次在市之東創自洪武關 其來舊矣有門有寢有曹廊有

齋宿舍雖無圯壞而卑隘弗稱不足以妥神靈生員毛鳳倡衆豎石坊覆露臺關 旋而壽不富嘉靖壬戌耆民孫常茂輩矢志改作從事者得二十九人募助錢數大啟棟宇卑者崇之隘者濶之缺者補之事每求倍於舊

計圖久遠木用柏瓦用甃壁用磚大門外重繚以垣東
西礮道門二有是規制而尙未備也歲月荏苒衆渙工
弛隆慶改元之二禩適三原劉侯來牧斯土澹泊約已
根株稽弊長善禁奸信賞必罰民荷不擾得以卒業越
降慶辛未時和年豐工始闕就虹梁矢柱深沉風雨之
津鏤楹文闕曠望塵囂之闕奔走於赫輿情允若張禮
仁闕詣余告曰制廟成矣物成而敗理數之常盍紀年
月以示將來共綿此志亦以錄首事者之善余謂厚終
功於謀始下義啟於上仁畊鑿之夫得以優游修敬者

金堂縣志

卷一

建置

三

誰之賜歟有劉侯之惠養而後有今日之阜康有今日
之阜康而後有如是之終始向使公門多事治生不贍
矣奚暇理幽道哉是經之營之者有限之勤節用愛人
者無涯之惠勒石詔後侯莫先焉嗟夫幽明人鬼一道
也知所以事人而后知所以事神香火之供不與焉孝
弟忠信禮義廉恥非生人之大行乎闕我侯朔望諄諄
吾人敬信而恪守之內求無欺於心外求無虧於行上
求無罹於法下求無詬於闕幾非頑悖之民事神之道
在是矣歲時伏臘吹豳擊鼓太平之福烏可以量否則

從逆之凶闕大禁昭然如彼神豈爲爾私哉嗚呼斯舉也按古在昔爲正德之辛未維茲事竣復丁是辰豈氣數有定人事闕耶不然何劉侯西度之轍不先不後也因并記以爲來者告時隆慶壬申仲春

重修城隍廟記

謝惟傑

邑有城隍廟其興建竄末見於前明及我

朝碑記者厥初僅屋三楹肖像於中而無寢宮與曹司嗣得張氏地建後殿供奉尊神乃以前屋爲拜楹其後殿兩廊肖十八司於內而寢宮仍未設也嘉慶辛酉歲

金堂縣志

卷一

建置

三

余竄是邦見其規模狹隘廟貌傾頽卽欲更新之惟思邑中廢墜有視此宜先者故未暇及數年來亦旣次第修葺矣於是集議鳩工卽拜楹之舊址作大殿之新基重塑神像體制宏深以後殿爲寢宮肖夫人像而神行像卽並坐於中安奉惟謹右爲燕息區帷榻簾櫳用物畢備左爲僉判室書籍筆硯陳設煥然外則周以花垣示區別也垣之右爲廟祝居左有迴廊曲室圖書花木清雅自如以爲遊憩之所其大殿兩旁列廡屋各九椽設十八司而刑賞善奸諸態肖摩曲盡階之下悉海墘

以石當此時廟寢堂庶規制井井前則壯麗南敞氣象
威嚴後則清幽宗幽不可褻視較諸往昔改觀多矣是
役也余先捐俸爲士民倡樂助者源源而來乃屬邑紳
張廷極陳錦星董其事甲子年十一月興修歲而周而
工乃竣計費五千五百餘緡落成之日辦香而贖者
遍於邇遐咸喜神之得所憑依若不以余爲好事務
更者而余亦樂士民之克勸善舉將永承福蔭於勿替
也遂濡筆而爲之記嘉慶十二年丁卯仲春月

蕭曹祠在縣治大堂左歲以十月二十一日曹公壽辰十

金堂縣志

卷一

建置

三

一月二十二日蕭公壽辰致祭

土地祠在大堂左歲以春秋仲月上戊日及七月初七日
壽辰致祭

倉神廟在治南倉垣內歲以十月初十日壽辰及開倉日
致祭

獄神祠在治西囹圄內歲以七月二十七日壽辰致祭

川主廟在治西乾隆中創建俗名普惠宮謂並祀藥王土
主也川主卽史稱秦守李冰今所祀皆指爲冰子二郎史
本言及不得其詳雍正壬午

勅封李冰爲 敷澤興濟通祐王子二郎爲 承績廣曆
顯英王蓋治水之績冰主其議而二郎成其功也歷代由
傳必有其實允宜崇祀土主當作杜主卽古望帝杜宇史
言其好勸民耕稼故巴蜀人祀之謂之杜主君古音讀杜
如土流俗相傳字隨音變遂直目爲土神而不知其非矣
藥王卽唐人孫思邈

重修普惠宮記

高光魯

普惠宮在邑城西乃吾邑父老子弟暨各省諸公之在
吾邑者捐貲新建以祀川主藥王土主之神廟也竊維

金堂縣志

卷一

建置

四

廟俾報答何地無之要其創始有疏落成有記必考據
精而討論確然後闕其疏者流連感觸踴躍而觀厥成
讀其記者服膺情文敬信而垂諸後也且各省諸公在
吾川者莫不各有專祀之神夫非以其功施於民能禦
大菑捍大患則祀之乎不然何爲離鄉井而尸而祝之
者猶然恪恭若是也乃若竭心力而垂利澤則莫如川
主登仁壽而免天札則莫如藥王守土疆而福蒸黎則
莫如土主而吾邑迄今未嘗合而祀之揆諸報功追德
之意寂然愬然凡在同人皆不能不爲之耿耿愚嘗讀

史漢載秦孝文時蜀守李公冰鑿離堆以避沫水之害引其水益用溉田疇之渠以億萬計且穿二江功績歷歷可考又查陳鑿鐵牛記謂公仕秦有功於蜀民德之所在血食號曰川主然則川主者蓋李公也又查灌縣志內有使其子鑿山穿江作石犀石人與江神約之語是則李公雖主治水之功其子二郎實能成父之績所以我

朝封李公爲敷澤興濟通祐王子二郎爲承績廣惠顯英王是蒙其惠者卽謂川主之稱李公與二郎共焉亦無

金堂縣志

卷一

建置

三

不可向非川主則蜀雖稱爲沃野而水利不能遍沾勢不能無石田赤土之虞矣若藥王者城西南舊有其廟蓋巡撫張公德地所建也相傳以爲祀孫真人思邈云考之李時珍云真人隱於太白山隋唐徵拜皆不就年百餘歲著有千金方千金翼方等書又觀晁氏云真人博通經傳洞明醫術著用藥之方診脈之訣針灸之穴禁架之法以及導引養生之要無不周悉後世或能窺其一二未有不爲名醫者又陳氏云方名千金者以爲人命至重有貴千金一方濟之德踰於此然則真人用

心若是是雖未必專爲吾川而吾川至今又誰不被其
惠向微藥王則術雖專曰岐黃而造詣未臻神妙勢不
能無庸醫謬毒之患矣至於配皇天者曰后土輔后土
者曰城隍曰土地今之土主其殆與城隍同列者乎以
愚觀於全省其有名可稽者七如彭縣之北鐵峯土主
祀隋姚萇彭縣之東濛陽土主祀唐韋臯銅梁縣南土
主祀南唐知縣趙延通江縣西土主祀洋州刺史李繼
賢儀隴縣西土主祀晉張英巫山縣臺山下土主祀縣
令李鎮修資陽縣西宣化街相傳唐陳子昂歿爲其神

金堂縣志

卷一

建置

三

有禱輒應焉其相沿無考者亦有六七如屏山縣西與
縣東南皆有黑龍土主天全州東有婆磷土主茂州有
岷山土主雷波衛前暨寧遠府西南以及州縣衛所亦
多有土主焉愚謂各邑之土主必其生能保障於茲土
故歿猶幽贊於此邦其或有可稽或無考者亦猶城隍
土地諸神之或有可稽或無考焉爾蓋雖廟貌未新而
神功猶且默相之况乎禋祀侑饗惟潔惟虔而謂靈爽
有不實式憑之者乎吾邑雖戶守淳風家敦古處而旱
潦無虞老幼皆安是必仰戴乎土主之惠也辛丑初夏

董其事者以落成記委於愚且畧述吾邑所以合祀伊
所以稱普惠宮之義若此愚既深慶報功追德者稍愜
於懷卽其踴躍而觀成自可必其敬信而垂後矣且維
此三神事功昭然威靈顯應又何敢過諉乎方今

聖天子重熙累洽海晏河清邑有神君俗多雅化人安神
樂養足教興是役也抑亦沐浴昇平咏歌樂利之景象
歟至宮之創始在己亥冬十月凡夫龜食鳩工經營襄
理以及同結善緣諸姓氏自當壽諸貞碣以彰其各伸
報答之忱云時乾隆四十六年四月

金堂縣志

卷一 建置

三

馬王廟在治後馬廐之前

瘟神廟在治西四里乾隆中知縣田惟克建

三皇廟在三皇灘上神像中一左右七俱猙獰可畏或云
卽李二郎及七聖然二郎像他處皆白面少年也按通志
所載有蜀王蠶叢杜宇諸祠此蓋蜀相鼈合因鑿峽有功
故建廟祀之久而昧其原也行舟至此必殺雞禱之乃去
創始無考康熙中重建

附廢廟

靖王廟在治東四里姜家營建置無考亦不知所祀何

神傾圮已久乾隆中知縣饒子曦移其像於東岳廟蓋一少年將軍也

澤廟在治東走馬灘上久廢惟宋碑猶存所祀蓋龍神之屬能爲民降雨澤者

靈龜廟在懷口鎮碑字剝落事蹟無考然文中多言雨澤事每以公神並稱後書門生趙載則其有功德於民死而靈應於此可知相傳廟名靈龜未詳其義

曾公祠在文昌廟後明正德中知縣曾遜治邑多惠政邑人思慕不置爲立祠建坊顏曰綉川遺愛又增置祭

金堂縣志

卷一

建置

三

田爲歲時祀事之需兵燹後已傾圮惟坊尙存今火神龍神二祠其遺址也

曾公遺愛祭田記

明季如柏

祀國之典也聖王之制祀者將以告報也况去思不忘者乎田祀之基也公卿之力田者將以崇孝也况享祀不忒者乎於是乎知德施於民則祀之非政之宜耶於是乎知百世之瞻仰者非是舉耶粵稽侯諱遜字克讓別號東莊楚之郢人也嘉靖初年涖任吾邑垂庇八稔才足以濟世而不迂仁足以育民而不市廉足以律已

而不驕威足以除惡而不暴可謂子闕吾民矣吾民愛之如父母敬之如神明專祠而祀之者闕十年矣隆慶六年侯之曾孫中丞確菴公奉簡命保釐我蜀威惠並施大造西土文武兼備爲憲萬邦於侯有光天啟之矣越明年萬歷初服暮春復奉簡書出師征蠻道經金堂展拜祠下奏格致將見之誠愛懇興求圖之念乃顧耆老曰春秋紹匪懈之典奉獻普民力之存是固昭爾等之忠信矣但先祖之在任不忍以絲髮費若屬今其歿也迺浚若屬以供伏臘之祀雖崇報僉同其若在天之

金堂縣志

卷一

建置

三九

靈何諸父老泣曰甘棠起名父之思峴山動羊侯之感是固民之不能忘者也侯冒我如天厚我如地雖一飯不能忘祝何言禴祀哉時臨安同知何啟蒙氏在列趨而進曰蕭艾蒙溫於朝煦棘心荷養於春風啟蒙辱先明府之甄陶闕字闕二下闕恩至渥也敢忘所自耶幸餘不腆之田願獻數畝以備籩豆之需以無傷先明府恤民之念遂以其券所籍田畝一千三百一十七丈七尺五寸上之公曰禮制固以闕隘爲戒君子亦以儉固爲恥

子皆

之靈備員九卿撫茲全蜀受朝廷之祿不

薄不能捐以供先人百世祀而煩門生故吏其謂我何
悉以其券還之啟蒙請益固公曰是堅不可却矣乃捐
俸資暨蜀府太平鹿鳴薦揚等宴器共百二十餘金禱
其值酌之且倍焉景陵諭任融和曰豺獾知獸魚之獻
野人傾芹曝之忱和位雖卑其荷先明府之陶育恩與
蒙等也蒙不愛田和敢愛力雖然和老矣有子輜年方
壯堪服穡幸未及填溝壑旦夕督輜兒悉力耕前田以
供祀享斯畢吾願哉公曰吾不忍以祀典煩一邑願以
祀典煩一人其愈不可矣無已其別立田籍歲傭一夫

金堂縣志

卷一

建置

四

耕之以租之十一足賦稅十之二供祭品餘悉與耕者
則田公而民不困力祀永而邑不傷財庶幾先大夫之
志哉於是檄華陽知縣王事聖議之復詣金堂同知縣
孫晟等議之始於何氏授以直繼於田所符以券計其
畝十有五計其丈一千三百一十七丈七尺五寸計其
糧石有八升二合四勺二抄五撮村落界限悉覈實而
籍識之歲約其租豐之入可得八九十石歉之入不下
六七十石除五六石以供歲之常賦除二三十石歲留
銀四兩四錢輸官以供春秋二祭餘尙三四十石以供

耕者之勞且令時葺祠宇不以煩有司仍將前田別立一籍名曰曾遺愛附於甘泉鄉內如公命議既定事聖孫晟氏曰欲垂不朽不可無志也乃以事聖所書事畧屬如柏記之以紀歲月柏也不文恐不能掄揚其盛以遺公侯羞雖然亦有不能辭者柏於童年荷先明府波及之恩不在蒙和下敢惜鄙陋以掩大德迺仰而嘆曰美哉洋洋乎可風也哉表西土者其在茲乎體國庇民遺愛罔極侯之忠懋矣光昭令德顯揚祖功公之孝大矣獻土輸力報德不爽邑人之義協矣董事者綜理之

金堂縣志

卷一

建置

聖

周樂善之誠殫矣夫四者真足以關化勸後也後之謁侯祠履公田未有不興起焉者於是浚虐其民者將愧其忠忘所自出者將愧其孝茂惠倦報者將愧其義苟簡趨事者將愧其誠豈不大有功於名教哉故特書之以範來世時萬歷二年

水利源祠在治東城隍廟左

國朝康熙中行人司張吾瑾致仕時爲都江北條水所溉七邑條疏水利七邑人共爲立祠建坊以報之傾圯已久今爲天后宮

會館 天后宮 在治東城隍廟左 閩人共建亦曰天上宮

三楚宮 在治東南倉廩右 楚人共建

南華宮 在治南三清觀左 粵人共建

三聖宮 在治北學宮左 秦晉人共建

萬壽宮 在治南倚城江右 人共建

壽佛宮 在治北學宮右 湖廣郴州人共建

右五省會館乃各鄉人共建以不忘其所自者歲以各神壽辰慶祝賽會演劇用答神麻會鄉里全省皆然各鄉鎮

金堂縣志

卷一

建置

三

亦多有之茲不備載

